

EKONOMSKO SOCIJALNO VIJEĆE ZA TERITORIJU FEDERACIJE BOSNE I HERCEGOVINE

IZVJEŠTAJ O RADU EKONOMSKO-SOCIJALNOG VIJEĆA ZA TERITORIJU FEDERACIJE BIH ZA 2020. GODINU

Broj održanih sjednica

Ekonomsko-socijalno vijeće za teritoriju Federacije BiH u 2020. godini održalo je ukupno 6 sjednica i isto toliko Kolegija ESV-a.

Broj tačaka dnevnog reda

Tokom ove godine razmatrano je ukupno 18 tački dnevnog reda.

Pregled tački dnevnog reda

1. Nacrt Zakona o izmjenama i dopunama Zakona o radu
2. Prijedlog Zakona o izmjenama i dopunama Zakona o porezu na dobit;
3. Inicijativa za izmjenu Uredbe o postupku prijema u radni odnos u javnom sektoru u Federaciji Bosne i Hercegovine;
4. Primjedbe UP FBiH na Uredbu o naknadama za plastične kese;
5. Primjedbe UP FBiH na Uredbu o proizvodima koji poslije upotrebe postaju posebne kategorije otpada i kriterijima za obračun i način plaćanja naknada;
6. Pravilnik o građevinskom otpadu;
7. Mjere za ublažavanje ekonomskih posljedica krize uzrokovane pandemijom koronavirus;
8. Nacrt Zakona o štrajku;
9. Informacija o zaključenim kolektivnim ugovorima;
10. Metodologija za izračun, utvrđivanje i usklađivanje najniže plaće;
11. Prednacrt Zakona o vijeću zaposlenika;
12. Strategija zapošljavanja u FBiH;
13. Uredba o postupku prijema u radni odnos u javnom sektoru u FBiH;
14. Zahtjev Sindikata za dodatno zapošljavanje u zdravstvenom sektoru;
15. Inicijativa Poslodavaca za donošenje Poslovnika o izmjenama i dopunama Poslovnika o radu ESV-a;

Ostale tačke dnevnog reda su usvajanje zapisnika, zaključaka i rasprave (razno).

RALIZACIJA ZAKLJUČAKA DONESENIH NA SJEDNICAMA EKONOMSKO-SOCIJALNOG VIJEĆA U 2020. GODINI

3-123. sjednica Ekonomsko-socijalnog vijeća za teritoriju Federacije Bosne i Hercegovine, od 30.01.2020. godine.

Dnevni red:

1. Usvajanje zapisnika sa redovne 2.(122.) sjednice ESV-a;
2. Prijedlog Zakona o izmjenama i dopunama Zakona o porezu na dobit;
3. Inicijativa za izmjenu Uredbe o postupku prijema u radni odnos u javnom sektoru u Federaciji Bosne i Hercegovine;
4. Primjedbe UP FBiH na Uredbu o naknadama za plastične kese;
5. Primjedbe UP FBiH na Uredbu o proizvodima koji poslije upotrebe postaju posebne kategorije otpada i kriterijima za obračun i način plaćanja naknada;
6. Pravilnik o građevinskom otpadu;
7. Razno.

Zaključci:

2.

Ekonomsko-socijalno vijeće predlaže da se tokom sljedeće sedmice sastanu predstavnici Poslodavaca i predstavnici Vlade (Federalno ministarstvo financija) i razjasne nejasnoće u primjeni Zakona o izmjenama i dopunama Zakona o porezu na dobit.

Realizacija zaključka Ad.2.

Federalno ministarstvo finansija/financija je postupilo po Zaključku Ekonomsko-socijalnog vijeća na način da je održan sastanak u prostorijama resornog ministarstva dana 10.02.2020.godine, te je usuglašen tekst, i Zakon o izmjenama i dopunama zakona o porezu na dobit je usvojen od strane oba doma Parlamenta Federacije Bosne i Hercegovine i objavljen u „Službenim novinama Federacije BiH“, broj 15/20 od 26.02.2020. godine, a stupio je na snagu 27.02.2020. godine.

3.

Ekonomsko-socijalno vijeće predlaže da socijalni partneri dostave resornom ministarstvu primjedbe i prijedloge na Uredbu o postupku prijema u radni odnos u javnom sektoru u Federaciji Bosne i Hercegovine. Resorno ministarstvo treba u roku od petnaest dana u pismenom odgovoru obrazložiti prihvaćanje ili odbijanje upućenih primjedbi i prijedloga.

Realizacija zaključka Ad.3.

Nakon što su Federalnom ministarstvu rada i socijalne politike od strane delegacija sindikata i poslodavaca u ESV-u dostavljeni prijedlozi za izmjenu Uredbe o postupku prijema u radni odnos u javnom sektoru u Federaciji Bosne i Hercegovine, isti razmotreni, te su pomenutim delegacijama dostavljena izjašnjenja ovog ministarstva broj: 03-02/1-43/20AG od 14.02.2020. godine i broj: 03-02/1-331/20AG od 14.02.2021. godine.

4. 5. 6.

Ekonomsko-socijalno vijeće predlaže da se Uredbe vezane za zbrinjavanje otpada ne donesu dok se ne obave razgovori između predstavnika Poslodavaca i resornog ministarstva.

Realizacija zaključka Ad.4.5.6.

Federalno ministarstvo okoliša i turizma je aktom broj: 07-8-33/21 AB od 21.01.2021.godine odgovorilo:

Federalno ministarstvo okoliša i turizma je postupilo po Zaključku Ekonomsko-socijalnog vijeća i obustavilo dalje aktivnosti na donošenju predmetnih uredbi, dok se takvi propisi ne donesu i u Republici Srpskoj. U augustu mjesecu 2020. Godine, Republika Srpska donosi Zakon o upravljanju otpadom kojim su utvrđene naknade za posebne kategorije otpada, koje će plaćati Fondu za zaštitu okoliša Republike Srpske.

Nakon toga Federalno ministarstvo okoliša i turizma je ponovo pokrenulo aktivnosti na pripremi predmetnih uredbi, vodeći računa da se visine naknada za posebne kategorije otpada usklade i propišu iste na području oba entiteta, s ciljem da se ne ugrozi jedinstveno ekonomsko tržište Bosne i Hercegovine.

Predmetne Uredbe su pripremljene u formi nacрта i vrlo brzo će biti dostavljene svim zainteresiranim stranama pa i Udruženju poslodavaca Federacije BiH na mišljenje. Federalno ministarstvo okoliša i turizma je donijelo Pravilnik o građevinskom otpadu („Službene novine Federacije BiH“, broj: 93/19). Sve pristigle primjedbe i sugestije su razmotrene i ugrađene u pravilnik u mjeri u kojoj je bilo moguće i opravdano.

4-124. (tematska) sjednica Ekonomsko-socijalnog vijeća za teritoriju Federacije Bosne i Hercegovine, održane dana 19.03.2020. godine.

Dnevni red:

1. Mjere za ublažavanje ekonomskih posljedica krize uzrokovane pandemijom koronavirus.

Zaključak:

Ekonomsko-socijalno vijeće podržava inicijalno predložene mjere za prevazilaženje krize izazvane pandemijom;

Ekonomsko socijalno vijeće predlaže Vladi FBiH da razmotri sve prijedloge mjera socijalnih partnera i eventualno ih ugradi u postojeće mjere;
Ekonomsko-socijalno vijeće predlaže formiranje Radne grupe za praćenje provođenja mjera tokom krize koja će biti sastavljena od po dva predstavnika socijalnih partnera i predstavnika Privredne komore Federacije BiH.

Realizacija zaključka Ad.1.

Ured Premijera je aktom broj: 01-02-39/21 od 21.01.2021. godine dostavio odgovor da je zaključak realizovan putem socijalnog dijaloga, vođenog od strane federalne ministricе okoliša i turizma, gđe. Edite Đapo i radne grupe koja je uspostavljena za sanaciju posljedica pandemije.

Hitna sjednica Ekonomsko-socijalnog vijeća za teritoriju Federacije Bosne i Hercegovine, održane dana 27.04.2020. godine.

Dnevni red:

1. Nacrt Zakona o izmjenama i dopunama Zakona o radu.

Zaključak:

Predstavnici Poslodavaca i Sindikata u načelu su usaglasiti primjedbe koje su imali na tekst Nacrta Zakona o izmjenama i dopunama Zakona o radu i dostaviće ih Federalnom ministarstvu rada i socijalne politike;

Socijalni partneri su se usaglasili da će po prestanku stanja prirodne nesreće započeti pregovore oko Općeg kolektivnog ugovora za teritoriju Federacije BiH.

Realizacija zaključka Ad.1.

Federalnom ministarstvu rada i socijalne politike dostavljene su usaglašene primjedbe i sugestije delegacije sindikata i poslodavaca u ESV-u na Nacrt Zakona o izmjenama i dopunama Zakona o radu, koje su ugrađene u tekst pomenutog Nacrta zakona.

4-124. (nastavak) sjednica Ekonomsko-socijalnog vijeća za teritoriju Federacije Bosne i Hercegovine, održane dana 02.07.2020. godine.

Dnevni red:

1. Usvajanje zapisnika sa redovne 3.(123.), 4.(124.) i hitne sjednice ESV-a;
2. Nacrt Zakona o štrajku;
3. Informacija o zaključenim kolektivnim ugovorima;
4. Metodologija za izračun, utvrđivanje i usklađivanje najniže plaće;

5. Razno.

Zaključci:

2.

Socijalni partneri nisu postigli zajednički stav u vezi ponuđenog teksta Nacrta Zakona o štrajku;

Ekonomsko-socijalno vijeće predlaže da socijalni partneri bilateralno još jednom razmotre i usaglase svoje stavove, ili da nastoje da u parlamentarnoj proceduri njihovi prijedlozi budu prihvaćeni.

3.

Ekonomsko-socijalno vijeće je primilo k znanju Informaciju o statusu Granskih kolektivnih ugovora za područje Federacije BiH, sa primjedbama i ispravkama koje su naveli socijalni partneri.

4.

Ekonomsko-socijalno vijeće, nakon razmatranja Metodologije za izračun, utvrđivanje i usklađivanje najniže plaće, predlaže da se ovaj dokument zajedno sa prijedlozima Sindikata i Poslodavaca dostavi Federalnom ministarstvu financija radi pripreme Uredbe o najnižoj plati. Pripremljena Uredba bi se razmatrala na ESV-u prije nego se uputi u Vladi FBiH na usvajanje.

Realizacija zaključka Ad.4.

Federalno ministarstvo finansija/financija je aktom broj: 05-45-1-375/21-1 od 29.01.2021. godine odgovorilo:

U više navrata smo dali primjedbe na Metodologiju izračuna, utvrđivanja i usklađivanja najniže plate u Federaciji BiH. Formula za izračun najniže plaće je neprecizna, nepouzdana, komplikovana i rezultat je „uštimanih“ iznosa da bi se „dobio“ (kako nam je prezentovano od strane Federalnog zavoda za programiranje) iznos važeće najniže plaće kao polazna osnova za pregovore u ESV-u. Ovakav pristup utvrđivanja najniže plaće preko predložene formule je neozbiljan, nepouzdan i komplikovan, posebno imajući u vidu činjenicu da se u formulu unose dva elementa od kojih se došlo iz anketiranja stanovništva. Ukoliko se smatra da je predložena formula za izračun najniže plaće primjenjiva, tražimo da nam se dostave makro pokazatelji koji se trebaju uvrstiti u predočenu formulu za izračun najniže plaće, jer smo u više navrata tvrdili da je ta formula neprimjenjiva u našim uslovima.

Smatramo da bi utvrđivanje najniže plaće trebalo vezivati za prosječnu plaću zbog jednostavnosti i sigurnosti procjene javnih prihoda. Onako kako mi predlažemo da se utvrdi najniža plaća, kao postotak od prosječne plaće u Federaciji BiH, je vezano za novi

Zakon o doprinosima (koji je u Parlamentarnoj proceduri u drugom čitanju) i s tim u vezi sačinjen je tekst Prijedloga Uredbe o najnižoj plaći koja propisuje iznos najniže neto i bruto plaće u Federaciji BiH kao i način usklađivanja iste, a planirano je da početak primjene bude istovremeno sa početkom primjene novog Zakona o doprinosima.

Ukoliko se i dalje ostaje kod stava da se Uredba treba donijeti prije donošenja novog Zakona o doprinosima, zadržavajući visinu najniže plaće, da nam se dostave makro pokazatelji koji se trebaju uvrstiti u predočenu formulu za izračun najniže plaće, inače smatramo da je Metodologija neprimjenjiva.

6-126. sjednica Ekonomsko-socijalnog vijeća za teritoriju Federacije Bosne i Hercegovine, od 17.12.2020. godine.

Dnevni red:

1. Usvajanje zapisnika sa sjednice ESV-a;
2. Prednacrt Zakona o vijeću zaposlenika;
3. Strategija zapošljavanja u FBiH;
4. Uredba o postupku prijema u radni odnos u javnom sektoru u FBiH;
5. Zahtjev Sindikata za dodatno zapošljavanje u zdravstvenom sektoru;
6. Inicijativa Poslodavaca za donošenje Poslovnika o izmjenama i dopunama Poslovnika o radu ESV-a;
7. Razno

Zaključci:

2.

Ekonomsko socijalno vijeće je razmatralo Prednacrt Zakona o vijeću zaposlenika, te predlaže resornom ministarstvu da se poslije objedinjavanja primjedbi i sugestija od strane socijalnih partnera još jednom sastanu kako bi usaglasili sporne prijedloge i sugestije.

Nakon što bude usuglašen od sva tri socijalna partnera Prednacrt Zakona o vijeću zaposlenika još jednom će biti predmet rasprave na jednoj od narednih sjednica Ekonomsko socijalnog vijeća.

Realizacija zaključka Ad.2.

Federalno ministarstvo rada i socijalne politike je dana 22.01.2021. godine organizovalo sastanak na temu usaglašavanja teksta Prednacrt Zakona o vijeću zaposlenika, te isti uputilo delegacijama sindikata i poslodavaca u ESV-u. S obzirom da se navedenom sasatanku nije odazvala delegacija poslodavaca, zaključeno je da će delegacija sindikata dogovoriti bilateralan sastanak sa poslodavcima Udruženja poslodavaca u Federaciji BiH, na kojem će razmotriti obostrano predložene primjedbe i sugestije na

tekst Prednacrtu Zakona o vijeću zaposlenika i usaglašene prijedloge proslijediti Federalnom ministarstvu rada i socijalne politike na dalje postupanje.

3.

Ekonomsko-socijalno vijeće je podržalo Nacrt Strategije zapošljavanja u Federaciji BiH 2021-2027 uz određene primjedbe i sugestije socijalnih partnera koje će Federalno ministarstvo rada i socijalne politike razmotriti i ugraditi. Također, resorno ministarstvo će uključiti socijalne partnere u izradi Operativnog plana za implementaciju Strategije, kako bi dali dodatni kvalitet.

Realizacija zaključka Ad.3.

Nacrt Strategije zapošljavanja u Federaciji BiH 2021-2027 još uvijek je u fazi izrade, te će resorno ministarstvo razmotriti i dostavljene primjedbe socijalnih partnera.

4.

Ekonomsko-socijalno vijeće je podržalo donošenje izmjena i dopuna Uredbe o postupku prijema u radni odnos u javnom sektoru u FBiH, u skladu sa iznijetim prijedlogom Ureda premijera FBiH, vodeći računa da predložene izmjene budu u okviru zakonskih normi, čija implementacija bi omogućila efikasnije upravljanje ljudskim resursima u uslovima pandemije.

Realizacija zaključka Ad.4.

Federalno ministarstvo rada i socijalne politike je u skladu sa navedenim prijedlogom izradilo tekst Uredbe o izmjenama i dopunama Uredbe o postupku prijema u radni odnos u javnom sektoru u Federaciji Bosne i Hercegovine, koja je donesena na sjednici Vlade Federacije BiH održanoj dana 28.01.2021. godine, te koja je objavljena u „Službenim novinama Federacije BiH“, broj 9/21.

5.

Ekonomsko-socijalno vijeće nakon što je razmatralo inicijativu Sindikata za dodatno zapošljavanje u zdravstvenom sektoru stava je da federalni nivo, koji ima drugi vid direktne potpore zdravstvu, nije nadležan za ovu problematiku, te predlaže da se uputi inicijativa prema kantonalnim vladama u cilju razmatranja i prihvatanja prijedloga Sindikata kako bi se poboljšalo stanje u svim zdravstvenim ustanovama u uslovima pandemije.

Realizacija zaključka Ad.5.

Navedeni Zaključak je dana 25.12.2020. godine dostavljen svim kantonalnim premijerima i predsjedavajućem skupštine, kako bi postupili u skladu sa svojim nadležnostima.

6.

Ekonomsko socijalno vijeće prihvata inicijativu Poslodavaca za izmjenu i dopunu Poslovniku o radu ESV-a. Sekretarijat ESV-a će uputi izmjene i dopune u Službeni list Federacija BiH, napraviti prečišćeni tekst Poslovnika i poslati ga svim članovima ESV-a.

Stručna služba ESV-a